

摘藻堂四庫全書薈要

集部

欽定四庫全書薈要

集部

劔南詩藁卷五十八

詳校官助教臣謝登雋



欽定四庫全書薈要卷一萬五千五百四十八

集部

劔南詩彙卷五十八

宋 陸游 撰

老馬

貧家

畜老馬枯其風雨唯本非百金產安用三品料馬

固忘華厩士亦安蓬籬兩窮適相遭萬事付一笑少游
御款段作計無此妙可憐杜陵翁妄想追風驃

大熱

五月頗憫雨炎風吹早塵氣羸不給喘流汗沾衣巾呼
婢使其浴報以未買薪汝事雖不恪亦坐乃翁貧汲井
掬寒泉自足忘我嗔譬如寓逆旅百事聽主人

大雨

今年景氣佳有禱神必會時時雖閔雨顧盼即霑洽
地千里間四月秧盡插季夏雨三日淒爽欲忘筮瀦水
如塞河決水如放閘几席亂鼃龜庭除泳鵝鴨舍邊魚
受釣戶外鷗可狎飛螢最得意終夕自開闔蕭蕭菰蒲

聲恍若船入夾嗟予亦耐事堅坐書滿榻懸知擺極收
已足供伏臘會約張志和清風泛茗雪

午睡

梅黃雨足喜初晴投枕華胥夢已成帳底香雲凝未散
手中書卷墮無聲簟紋似水飛蠅避鼻息如雷稚子驚
癡腹便便竟何有已將嘲弄付諸生

書意

踈慵久矣卧卧郊扉暫出人間輒免歸梵志放花常恨晚

士師分鹿又成非平生舊學寧當負同志良歲亦重違
說與吾兒勤念此負禾勿恨露沾衣

卜居三山已四十年矣暇日有感聊賦五字

薄宦非初志幽居不計年稚松成偃蓋小豎亦華顛生
理憑耕稼光陰付醉眠從來慕園綺一著要爭先

又

泥古衰猶學開荒夜亦耕屋艾生草益釜滌野蔬烹白
稻雨中熟黃鷄桑下鳴殘雲忽吐日喜對小窗明

北窗

北窗無俗物三伏有餘涼
玉塵消長日風漪可一牀
盞分新作茗爐撥欲殘
香却岸紗巾去翛然野水傍

睡起已亭午終日涼甚有賦

飯罷頽然付一牀
曠懷真足傲羲皇
松棚盡日常如算
荷沼無風亦自香
倚杖月生人影瘦
岸巾露透髮根涼
頗聞王旅徂征近
敷水條山興已狂

殘雨

五更殘雨滴檐頭探借天公一月秋只道風吹雲散盡
數聲桑下又鳴鳩

溪上避暑

算年事業轉悠悠盡日投竿杜若洲世上漫言天愛酒
古來寧有地理憂全家只合雲山老萬事空驚歲月道
褫帶脫冠猶病暍正平頗憶著岑牟

又

短髮颼颼徹頂涼悠悠哉隨處據胡牀但憐鵲影翻殘月

不悵蟬聲送夕陽
門巷陰陰桐葉暗
汀洲漠漠藕花香
寓形宇內終煩促
安得騎鯨下大荒

龜堂避暑

縹緲紗厨覆象牀
蠻童擎粥進黃粱
硯池湛湛一泓墨
衣焙霏霏半篆香
團扇題詩無滯思
清泉灑地有餘涼
更須風伯開雲陣
準擬今宵月滿廊

旅舍偶題

野店山橋策蹇驢
浩然聊喜遂吾初
童顏幾歲已辭鏡

胎髮今朝還入梳
小瓮謾營秋社酒
斷編閒理小年書
白雲可笑猶多事
常向人間耐卷舒

溪月

天風吹髮冷颼颼
獨向沙邊上釣舟
愁絕平羌江上月
向人依舊半輪秋

砭愚

儲藥如丘壠
人愚未易醫
信書安用盡
見事可憐遲
錯自彈冠日
憂從識字時
今朝北窗卧
句句味陶詩

雜興

早遇齊侯遊柏寢晚從漢帝祀甘泉
不須苦學飛騰術
更看泥金檢玉年

又

南山手自斲蒼苔竹閣柴扉次第開
二十里間雲不斷
豈容一點市塵來

又

靈府寧容一物侵此身只合老山林
何由挽得銀河水

淨洗羣生忿慾心

又

赤米熟炊元自軟黃蘗頻倒不多酸縱令酒負尋常債
也勝人求本分官

又

冰壺冷浸玉芙蓉三伏炎蒸一點無淨洗硯池瀦墨瀦
藥涼要畲故人書

又

硯傳百歲璽闕角筆擅一時錐出囊

予所用硯百年前物一角微闕筆姑

蘇能憲作頗佳

紙欲窮時瘦蛟舉已看雷雨跨蒼茫

又

扁舟夜載石帆月雙履曉穿天柱雲八十老翁能辦此

不須身將渡遼軍

謂李勣

又

犀象本安山海遠梗楠豈願棟梁材伏波病困壺頭日
應有嚴光入夢來

又

粟無人餽方差快門有僧敲未絕幽豈是耄荒淡絕物
從來不慣惹閒愁

又

瞿聃楊墨寧非學治獄行兵亦有師惟是儒生知擇術
百年窮達守書詩

病瘡兩作而愈

久出天魔境胡為瘡鬼來亦知無妄疾畢竟不為災引

睡須書卷支羸賴粥杯微風起秋色樽酒亦時開

露坐

略約方墟北簣簞小塹東荷盤傾夕露茨背坼秋風磔
磔禽移樹芒芒月墮空詩材隨處足盡付苦吟中

戲詠

歲歷還逾半人生但可悲此身猶老健隨處且兒嬉累
瓦初成塿埋盆又作池惟應上庭樹不及髣髴時

初秋書感

流年冉冉不容追，餘息厭厭只自知。
馬革裹尸違壯志，鹿門采藥卜幽期。
林蟬委蛻仙何遠，巢燕成雛去已遲。
觸事爾來多感慨，北窗閒賦早秋詩。

湖上

石帆山下舊苔磯，回首平生念念非。
秋早明河低接地，夜深白露冷侵衣。
風生古戍笳爭發，月過橫塘鵲獨飛。
却看宦途傾奪地，恍然敗將脫重圍。

枕上

紗幘竹簟不勝清卧看殘缸翳復明兩樹梧桐鳴急雨
一林鸚鵡噪疎更靜無狂蝶妨幽夢嬾有羣鷗責舊盟
待旦欲尋梅市路小舟先向步頭橫

書懷

無事自能心太平有為終蔽性光明皮膚脫盡見真理
梁肉掃空甘菜羹處處浮家成野宿時時策蹇作山行
平生常笑羊裘老史冊猶存後世名

游昭牛圖

游昭木石師李唐畫牛乃自其所長出欄切聽一聲笛
意氣已無千頃荒客居京口老益困衣不揜脛鬚蒼
時時弄筆眼力健蹠角毛骨分毫芒我無沙堤金絡馬
拂拭此幅喜欲狂乞骸幸蒙優詔許置身忽在煙林傍
日落飲牛水滿塘夜半飯牛天雨霜俚醫灌藥美水草
老巫訶禁被不祥願我孫子勤農桑願汝生犢肋脉強
碓聲驚破五更夢歲負玉粒輸官倉

唐希雅雪鵲

烈風大雪吞江湖巨木摧折竹葦枯烏鳶瑟縮墮地死
豈復能顧卵與雛棘枝拔出亂石罅凜凜生氣獨有餘
耐寒兩鵲亦異稟羽族有此山澤癯神凝氣勁中自足
不待晴日相嗚呼淡知畫手亦怪偉用意直刮造化爐
毳毛雖細爪翮健落筆豈獨今所無我評此畫如奇書
顏筋柳骨追歐虞

菖蒲

雁山菖蒲崑山石陳叟持來慰幽寂寸根感密九節瘦

一拳突兀千金直，清泉碧缶相發揮。高僧野人動顏色，
盆山蒼然日在眼。此物一來俱掃迹，根盤葉茂看愈好。
向來恨不相從早，所嗟我亦飽風霜。養氣無功日衰槁，
吾廬東北皆修竹，茂林羽族來栖者不可數計感。
而有作

遶舍皆茂林，萬數栖鳥雀。詰旦輒爭鳴，未暝紛已泊。清
陰交欲暗，丹實熟可啄。吾廬少人迹，媿爾肯見託。雖無
惠養德，亦免彈射虐。結巢俯可窺，淳風今豈薄。

秋夜聞蘭亭天章寺鐘

絕湖上蘭亭不過一炊頃湖廢繚隄行往返常畢景猶
有古寺鐘迢迢下重嶺煙雲含莽蒼風露共淒冷蕭然
草堂臥度此清夜永百念一洗空於焉發深省

閔雨

歲秋固多雨每恨不及時黃塵蔽赤日苗槁已不遲踏
車聲如雷力盡真可為天豈不念民雲族風散之窮民
守稼泣便恐化棘茨妻子不望活所懼尊老飢我願上

天仁顧哀民語悲鞭龍起風霆尚繼豐年詩

徒行短歌次前輩韻

風吹短衣雙鬢白老人復步歸鄉國數樹丹楓野店西
一川紅蓼溪橋北芒屨有賣百無憂過盡青山到渡頭
更求欸段真多事堪笑當年馬少游

江樓次前輩韻

一日千回上庭樹城南尚記嬉遊處俯仰人間八十年
鏡中未許朱顏去甲第侵雲多貴人朝回撲帽軟紅塵

江樓月夜吹長笛誰似儂家不負身

七月四日夜賦

樓角西南月一鉤晚瓜落刃酒初筩仙家又愴銀河別
太史新班玉歷秋衰病歲時良冉冉窮愁身世轉悠悠
莫因乞巧嘲兒女我亦飄然水上浮

出近村歸偶作

朝騎小蹇涉煙村擁路爭看八十身似我猶為一好漢
問君曾見幾閒人楊梅線紫開園晚萁菜絲長入市新

莫笑堅頑推不倒天教日日享常珍

送子修入閩

士生萬里合鵬搏憔悴青衫且自寬薄祿及親雖共喜
遠途將父亦誠難關山可厭風塵惡蓬葦應思叔水歡
只道耄年心似鐵詩成也作鼻辛酸

書志

飲水蕭然卧曲肱桑村麥野醉騰騰老身長子知無憾
泛宅浮家尚未能南畝服勞勝乞食腐儒垂死恥依僧

柴荆常閉斜陽裏
剥啄雖聞亦嬾應

秋雨

雨聲疎復密
窗影暗還明
赤米香炊飯
青蔬淡齏羹
閒中長棋格
病後減詩情
惟有桑麻事
鄰翁與細評

雨後涼甚

竝海寬閒野
清秋搖落天
微涼供美睡
穩字入新聯
陋屋蕭蕭雨
修筒細細泉
晚窗生酒興
洗酌一陶然

屏迹

屏迹亂山中觀身槁木同桑麻安舊業薪水付村童不
散嬰兒樸常存太古風一錢無用處那復計囊空

又

飯熟起開鉢困來徐倒牀無狂安取聖有短始知長養
道褐懷玉露才錐出囊聊須喚兒稚細細話耕桑

書事

聞道輿圖次第還黃河依舊抱潼關會當小駐平戎帳

饒益南亭看華山

饒益寺南亭盡
得泰華之勝

又

關中父老望王師想見壺漿滿路時寂寞西溪衰草裏

斷碑猶有少陵詩

華州西溪郡老杜所謂鄰縣亭子者

又

鴨綠桑乾盡漢天傳烽自合過祁連功名在子何殊我
惟恨無人快著鞭

又

九天清蹕響春雷百萬貔貅扈駕回不獨雨師先灑道

汴流滾滾入淮來

雨後

雨後涼生病體輕
閒拖拄杖出門行
槐花落盡桐陰薄
時有殘蟬一兩聲

幽居

早歲猶奇怪
中年痛掃除
華堂棊陸廢
名馬宴遊疎
散帙身忘倦
畦蔬手自鉏
寥寥千載後
誰此訪幽居

書事

北徃談笑取關河盟府何人策戰多掃盡煙塵歸鐵馬
剪空荆棘出銅駝史臣歷紀平戎策壯士遙傳入塞歌
自笑書生無寸效十年枉是枕瑯戈

秋夜感遇十首以孤村一犬吠殘月幾人行為韻
月生東山口宿鳥驚相呼我起立蒼茫恍在白玉壺飢
鶻掠老巢大魚躍平湖作意賦新詩佳夕不可孤

又

今日天氣佳駕言適山村種枳作短籬壘石成高垣牲

酒賽秋社簫鼓迎新婚所願在仕者努力蘇元元

又

長康有三絕吾獨得其一寓世八十年一癡萬事畢世
間所謂黠正類禪中蝨燂湯會有時為計誰得失

又

我夢遊異境烏帽跨小蹇桑麻夾阡陌山川曠何遠俗
有太古風蕭散到雞犬鐘鳴忽驚覺所造恨猶淺

又

竭作朝築陂獨勞算鉏菜草煙欄犢卧船響籬犬吠殘
年迫耄及農事不敢廢兒曹強學餘努力事春碓

又

頒歷如昨日俯仰芳歲殘蝸蝓方鳴秋碓杵已戒寒書
生賦予薄何適不艱難梁肉固所美食淡心始安

又

前年蒙趣召渡江當六月顧慙衰病軀觸熱朝行闕君
恩雖屢下恐懼乞骸骨飄然返柴荆所愧已黔突

又

畏首復畏尾吾身其餘幾雖云食不足健決豈不偉蓬
窗對親舊情話來疊疊何以永今朝沽酒刺圈豨

又

昔遇高皇帝同朝多偉人哀哉逝不留煮蒿返蒼旻存
者纔一二相望不得親秋風聞雁過老淚霑衣巾

又

唐虞治巍巍洙泗道益明豈知秦漢後佛老起縱橫詩

書雖僅存韶韻無遺聲書生幸有聞未死猶力行

草書歌

吾廬宛在水中沚車馬喧囂那到耳一堂翛然卧虛曠
蟬聲未斷蟲聲起有時寓意筆硯間跌宕犇騰作詼詭
徂徠松盡玉池墨雲夢澤乾蟾滴水心空萬象提寸毫
睥睨醉僧窺長史聯翩昏鷗斜著壁鬱屈瘦蛟蟠入紙
神馳意造起雷雨坐覺乾坤真一洗小兒勸我當自珍
勿為門生書斐几

自做

牛解謹藏刀羊亡密補牢
達人憂祿厚奇禍出名高
所要懷全璧寧當恥緼袍
世間俱癘疥何事苦爬搔

新秋

遠浦平郊弄夕霏
曲籬幽徑鎖秋暉
馴麋巧占蒼苔卧
驚鵲斜穿密篠飛
浴罷小軒成美睡
雨餘老火歛餘威
未言風月供詩思
汗幘塵衣且解圍

又

蟬聲滿院送流年又見秋風到海邊
舊友死來頻入夢新詩愁絕少成篇
步頭野水雙飛鷺林外人家一點煙
顧影自驚如許瘦囊空無藥起沉綿

憫俗

蚩蚩之氓不自覺顧笑吾曹安淡薄
攜女數千行問法腰錢鉅萬仍騎鶴
豈知此事不兩得芻豢何可參毒藥
野狐出林作百態擊下髑髏渠自怍
老氏五千本清靜揚雄太玄惟寂寞
但能於此尊所聞萬卷丹經盡糟粕

塊坐齋中有感

敗席凝塵嬾拂除況能作意去庭蕪讀書眼力衰難強
對酒心情薄欲無野寺鍾魚思下檐山郵鞍馱憶登途
頽然坐睡誰驚覺寂寞西窗日又晡

新涼示子適時子適將有臨安之行

竹簟紗幘事已非秋清初換熟縑衣鵲驚山月栖還起
螢避溪風墮又飛老眼漸昏書嬾讀壯心雖在事多違
夜窗剝欲挑燈語日倚柴門望汝歸

秋雨

毒熱秋未衰吾廬況淺迫雖云日一浴流汗沾衣幘蕭
蕭三日雨出此炮烙厄瀟湘應更佳恨我無六翮

又

吾廬多美蔭最茂楸與梧百鳥集其間下上更嗚呼秋
風忽動地搖落日日疎何如澗底松終歲無榮枯

講學

遷善以美身講學以盡性能為可行爾用舍固有命天

方斲斯文魯叟虛歷聘黎元則可哀窮死吾何病

野興

來日無多去日道朱顏那肯為人留簷聲點滴無時雨
野氣蒼茫極目秋朝出釣魚來北渚夜耕驅犢上西疇
此心所要常無媿寂寞衡門死即休

又

江湖瀟散葛天民敕放還山一幅巾老去飢羸惟恃粥
病來舉動每須人道窮舉世知心少學進吾兒著語親

更有一端差自慰短檠不作白頭新

又

早見高皇宇宙新
耄年猶作太平民
虛名僅可欺橫目
顛論曾經犯逆鱗
原野算雲低欲雨
陂湖秋水浩無津
蕭條生計君無笑
一鉢藜羹敵八珍

又

飽見人間行路難
暫陪鶴鷺意先闌
集仙院裏三題石
神武門前兩挂冠
飢卧了無千里志
倦飛元怯九霄寒

客來莫笑蓬窗陋若比巢居已太寬

示元敏

學問參千古工夫始一經寧論綬若若且喜佩青青汝
業方當進吾言要細聽仍須知稼穡勉為國添丁

八月四日夜夢中作

太華巉巉敷水長白驢依舊繫斜陽山溪乳洞藥爐冷
花發雲房醅瓮香鄰叟一樽迎谷口蠻童三髻拜溪傍
中原俯仰成今古物外自閒人自忙

明日復理夢中意作

白盡髭鬚兩頰紅頹然自以放名翁客從謝事歸時散
詩到無人愛處工高挂蒲帆上黃鶴獨吹銅笛過垂虹
閒人浪迹由來事那計猿驚蕙帳空

又明日復作長句自規

大學淵源不易窮古人立志自童蒙醉猶溫克方成德
夢亦齋莊始見功痛哭孰能悲陷溺力行猶足變雕蟲
太空雲翳終當散吾道常如日正中

示子孫

累葉為儒業不隳定知賢傑有生時學須造次常於是
道豈須臾或可離我老已無明日計心存猶惜寸陰移
巍巍夫子雖天縱禮樂官名盡有師

秋夕

承學雖云淺初心敢自輕飄零為祿仕蹭蹬得詩名撫
事悲長劔懷人感短檠不堪秋雨夕鼓角下高城

徂歲

徂歲風煙慘幽居市井遙甌香炊薏米泉潔煮芎苗野
廟迎神晚村船過埭囂西窗一樽酒亦足慰無聊

村居遣興

追數交朋略散亡臂孱足蹇固其常一年又見秋風至
孤夢潛隨夜漏長不辦誦經如倚相頗能噉飯勝張蒼
回看薄宦成何味只借朝衫作戲場

又

萬里征途興已闌三間破屋住猶寬山薑著雨房重歛

南燭先霜實半丹
野市秋陰更蕭瑟
書生老瘦轉酸寒
掩關也有消愁處
一卷騷經醉後看

又

野堂踈豁近江臯
喜見南山秋氣高
野外漸寒羣木脫
草根薄算百蟲號
築陂濬畎更相勉
伐荻剥桑敢愛勞
亦念耄荒當自佚
欲將世業付兒曹

甲子秋八月偶思出遊
往往累日不能歸
或遠至傍縣
凡得絕句十有二首
雜錄入藁中亦不復詮

次也

齧雪猶能活窖中
僧牛亦可隱牆東
來歸里社當知幸
萬卷書邊一老翁

又

小兒緣天摘列宿
老子含飴弄穉孫
郊居得此豈不樂
無奈催租人打門

又

早攜書劍三隨計
晚辱弓旌四造朝
心媿石帆山下叟

一生不識浙江潮

又

筋骸未廢寧為老煙火猶通豈是貧時跨一驢山縣去
園丁野老盡相親

又

著囊藥笈每隨身問病求占日日新向道不能渠豈信
隨宜醉答免違人

又

藥麤野老偏稱効詩淺山僧妄謂工懷麩裹茶來問訊
不妨一笑寂寥中

又

家居愈老厭拘纏旅舍僧房意自便乞菜作羹殊有味
借牀小憩即成眠

又

鄉間敬老意常勤一味甘鮮必見分大哉在前無箸食
始知富貴本浮雲

又

市樓嘈噴知豐歲驛樹輪困傲早霜六十年間凡幾到
剗沽新酒對斜陽

又

燂湯具浴僧窗暖春黍供炊旅甌香自笑平生為客熟
關山千里一衣囊

又

胡麻刈罷下麩初引水家家灌晚蔬但有茅簷隨處好

淵明可獨愛吾廬

又

秋風敗葉委蒼苔
小蹇閒遊始此回
溪上風煙爭晚渡
縣前燈火賣新醅

劔南詩彙卷五十八

欽定四庫全書薈要卷一萬五千五百四十九

集部

劔南詩藁卷五十九

宋 陸游 撰

遊山

四序雖悉佳莫若新秋時已脫烹煮厄未興搖落悲鷺
集水落渚鵲爭風墮枝煙村烏白丹晚日望最奇豈無
一舴艋往赴幽人期婆娑下堂迎壞衲顛倒披丹果垂
中庭碧花蔓踈籬秋高財一來怪我今年衰

對酒

天上何曾許寄愁酒中正自可忘憂不能上樹作巢飲
尚辦滿船供拍浮神仙可學君豈信衣食裁足吾何求
但憶人如王粲輩相攜一笑賦登樓

遣舟迎子適因寄古風十四韻

今日坼汝書一讀眼為明知汝即日歸明當遣舟迎想
汝片帆東翩若飛鴻征薄算過梅市咿謳雙櫓聲到家
亦尚早城樓初發更草草一尊酒為汝手自傾夜分不

能寐頓忘衰病嬰豈惟病良已白頭黑絲生暫別亦不
惡益重父子情自今日相守北窗同短檠六經焰久伏
百氏方縱橫世俗擯孤學未易口舌爭此責在學者草
萊勿自輕汝壯父未死相勉在力行

重寄子適

秋風日日望歸裝忽報來期喜欲狂衰病無因檝迎汝
夢隨殘月過浮梁

飯後偶題

環堵蕭然百慮忘天教得飯飫枯腸長橋鮓美桃花嫩
北苑茶新帶胯方漠漠寒花歇晚照翩翩孤蝶弄秋光
解衣捫腹西窗下賴有新詩破日長

秋興

流光冉冉迫崦嵫常抱秋風宋玉悲才盡已無楓落句
身存及見雁來時自憐閉戶龐眉叟初對還家大耳兒
子適方自行在歸一盞青燈照寒影不妨細舉別來詩

又

世事元看等一毫紛紛寵辱陋兒曹雁行橫野月初上
桐葉滿庭霜未高細考蟲魚箋爾雅廣收草木續離騷
更餘一事君知否卧聽牀頭滴小槽

舍北行飯

飯飽逍遙信所之茨塘蔬圃遍遊嬉梧楸凋落風高後
瓜瓠輪囷雨足時犬喜人歸迎野路鵲營巢穩占低枝
晚來嬾復呼童子自掩柴門上廢庑

舍南野步

枯蔓絡荆籬幽花映荻扉
馴麋驚不起歸鶴倦猶飛
野色連收網邊愁入搗衣
壯圖空自笑事事與心違

感昔

行年三十憶南遊穩駕滄溟萬斛舟
常記早秋雷雨霽
柁師指點說流求

又

馬瘦行遲自一奇溪山佳處看無遺
酒壚強挽人同醉
散去何曾識是誰

又

負琴腰劍成三友
出蜀歸吳歷百城
最是客途愁絕處
巫山廟下聽猿聲

又

岳陽三伏正炎蒸
爽氣淒風見未曾
白浪蹴天樓欲動
當時恨不到黃陵

又

行遍天涯只漫勞
歸來登覽見興方
豪雲生神禹千年穴

雪捲靈霄八月濤

病齒

似病非病臂已瘳當墮未墮齒難留一杯藜粥吾所美
幸可自辦不待求既無齧骨犯曲禮亦免祝哽煩成周
形骸外物付悠悠那將老境供閒愁

揮手

揮手羣玉府說駕石帆山偶與片雲出却隨孤鶴還松
風算蕭瑟石溜夜淙潺阿敏讀書處更添茆一間

過鄰家

初寒偏著苦吟身
情話時時過近鄰
嘉穰連雲無水旱
齊民轉壑自酸辛
室廬封鏽多逋戶
市邑蕭條少醉人
甌未生塵羹有糝
吾曹切勿怨常貧

甲子秋八月丙辰雞初鳴時夢劉韶美示詩八篇
高古可愛明旦作此詩志之

韶美仙去三十年
一念及之常悵然
秋窗忽夢接顏色
萬里老鶴歸遼天
贈詩溫其似玉瓚
我亦麤識關雎亂

建安黃初不足言筆端直覺無秦漢

山居

客至何曾共劇談行藏獨有老僧諳
覓官肯信山居樂食淡方知飯味甘
一脉泉通澆藥圃萬重雲鎖釣魚菴
好奇自笑心無厭行遍江南憶劔南

歸老

兩脚走萬里歸老樵風溪雖遠京雒塵窮巷還多泥累
纍喪家狗喔喔失旦鷄幸非徙比景何恨棲會稽今年

更可笑傴僂自灌畦榮雖不滿眼悔亦免噬臍萬事付
一尊師友阮與嵇

送子坦赴鹽官縣市征

父子團欒笑語譁豈知雲散各天涯長亭結束秋將晚
別酒淒涼日易斜我坐耄年艱就養汝非仰祿肯離家
遊山尚有平生意試為閒尋一鹿車

臘中欲作一小肩輿輕駛結實兩夫

可舉者以備山行

寄子坦

目斷西陵細靄中
津亭想汝繫孤蓬
頗憂昨暮雲吞日
俗以黑雲接落日為風雨之候
猶幸今朝雨壓風
就食亦知難戀戀
挂

帆終恨太忽忽
寒沙不是無來雁
頻寄書歸問老翁

書感

老荷寬恩許退耕
絲毫無報亦何情
民貧樂歲尚艱食
道喪異端方肆行
黨禍本從名輩出
弊端常向盛時生
古人骨冷青松下
誰起英魂與細評

自偏門歸

橋袖纍纍未著霜
陂塘渺渺度秋光
長橋虹卧當官道
重閣翬飛出女牆
煙際遠舟俄已隱
天邊驚雁不成行
歸來有底誇兒輩
笑指奚奴古錦囊

遣興

免徑遊觀足蝸廬
卧起寬垂名千古
易無愧寸心難燈
火娛清夜風霜變
早寒一經家世事
吾興未應闌

詩酒

詩酒平生樂無如
老病侵才衰愁韻
險量退怯杯溪宿

露滋金菑微霜點纈林呼鷹五陵路惆悵少年心

晚秋野興

病骨支離不耐秋今年九月即輕裘細書燈下幸能讀

舊友夢中時與遊

連夕夢紹興間同朝諸公

官賦畢輸無吠犬農功

已息有聞牛不知冠蓋朝天客也得心安似我不

又

徹底無能徹骨貧自憐虛作六朝民學因病廢捐長日
志與年衰媿古人露溼亂螢飛暗廡霜清飢雀噪空囷

一生眼境常如此草賦憑誰問大鈞

舟中口占

養生妙理本平平未可常談笑老生業力頓消知學進
人情愈薄喜身輕鶴雛日長丹砂頂巖溜時聞玉珮聲
最是扁舟暮歸處一川風月遠相迎

閉門

閉門何所樂聊息此生勞霜薄殘蕪綠風酣萬木號研
朱點周易飲酒讀離騷斷盡功名念非關快剪刀

算秋

多雨今秋水渺然溝溪無處不通船山回忽得煙村路
始信桃源是地仙

又

閒傾清聖濁賢酒穩泛朝南算北風射的山前雲幾片
一秋不散伴漁翁

又

百年大耋龍鍾日九月初寒慘淡天嶺谷高低明野火

村居遠近起炊煙

又

舍前舍後養魚塘
溪北溪南打稻場
喜事一雙黃蛺蝶
隨人來往弄秋光

又

九月山村已驟寒
看雲殊怯倚闌干
一杯濁酒栽培睡
不覺春雷起鼻端

又

清秋又是一年新滿眼
丹楓映白蘋海內故人書斷絕
汀洲鷗鷺却心親

農舍

三農雖隙亦匆忙
穡事何曾一夕忘
欲曬胡麻愁屢雨
未收蕎麥怯新霜

又

神農之學未為非
日夜勤勞備歲飢
雨畏禾頭蒸耳出
潤憂麥粒化蛾飛

又

萬錢近縣買黃犢襪行當東作時堪笑江東王謝輩
唾壺塵尾事兒嬉

又

杜門雖與世相違未許人嘲作計非長綆雲邊牽犢過
小舟月下載犁歸

九月十日夜獨坐

蓬窗燈火耿疎籬正是寒沙雁到時頭少二毛真篤老

口無縱理亦長飢朝聞夕死固當勉幼學壯行嗟已遲
小豎夜闌私怪我儼然危坐若深思

述意

憂患無窮生有涯惟須百事屏紛華人誰敢侮修身士
天不能窮力穡家頻喚老僧同夜粥間從隣叟試秋茶
結茅林下從來事瓦屋三間已太奢

陸士衡兄弟共
居瓦屋三間

小疾自警

老來士弗強舉箸輒作病造物益警之何啻三下令而

我不自珍若與疾豎競豈惟昧攝養實亦闕忠敬顛踣
乃自詒何用死不瞑自今師古訓念念貴清靜羔豚昔
所美放斥如遠佞淖糜煮石泉香飯炊瓦甑采蔬擷藥
苗中冪相照映膨脝亦宜戒僅飽勿憚剗隱書有至理
要使氣常勝因之戒友朋苦語君試聽

白龍

九月癸酉暮白龍見西方是時久晴明日落天正蒼玉
宇無纖雲凌空獨高翔蜿蜒久乃隱父老歎未嘗清臺

占五行此事實殊常我非劉子政聊記以短章

學易

卒歲勿多求壺飧與褐裘心安由自足身貴為無求易
化千年鶴難馴萬里鷗閉門方學易未暇揖浮丘

又

學古忘衰疾齋心洗昨非拳拳奉天理坦坦息心機改
過先幽隱收功在細微耆期猶自警俯仰惜餘暉

閒中作

呼童按摩罷倚壁欠伸餘棋局可忘老鳥聲能起予掃
簷憐胃蝶投餌出潛魚向晚明窗下還來讀舊書

枕上

嗚嗚初聽雁南征喔喔俄聞雞一鳴夢境往來雙隻堠
官途興廢短長檠何由生計裁能足不願人間過取名
飯輒茶甘吾事了但愁無酒酌公榮

家貧不能釀酒
而官壺多酸

出遊

一樽隨處可開顏此事淡疑造物慳地可登臨多恨遠

身常強健又須閒
山圍小市煙初斂
霜著橫林葉半殷
徙倚闌干君勿厭
日斜猶及棹舟還

又

漁村酒市本無期
小蹇扁舟信所之
丹葉滿林霜落後
紫萍黏塊水枯時
山林間寂歸雖早
齒髮衰殘病已遲
努力及時謀自適
錦囊多貯算秋詩

又

山有籃輿步有舟
放翁身健得閒遊
羊牛點點日將夕

蒲柳蕭蕭天正秋
細雨僧歸雲外寺
疎燈人語酒家樓
歸途更愛湖橋月
獨倚闌干為小留

又

霜氣蕭條木葉黃
佳時病起意差強
雲煙古寺聞僧梵
燈火長橋見戲場
一枕清風幽夢斷
數匙旅飯野蔬香
道邊莫笑衰殘甚
獨往山林興未央

又

禹窆胥濤中路分
畫橈衝破一川雲
柯橋僧閣凌空起

梅市漁歌帶月聞蟹束寒蒲大盈尺鱸穿細柳重兼斤
酒家報我新醅熟且撥閒愁寄一欣

家居

清世念遺民常情重老人饋漿煩郡府分胙媿鄉鄰
穫稻黃雲卷春粳玉粒新膨脗自摩腹一笑欲忘貧

又

老眊詩名減登臨笑口開釀泉為酒熟倩鶴附書回
紗帽方簪菊筇枝又探梅清狂君勿笑曾是薄蓬萊

又

蒲葦村溪地風霜歲晚天溪柴勝熾炭

小東柴自若耶出溪名溪柴

黎布敵純綿

容有遺黎布者甚輕暖

有客問奇字無人嘲晝眠誰

言此翁老懷抱尚超然

贈隱者

疇昔從君處玄都太古壇月高旂影直霜重珮聲寒鶴
駕三山近壺天萬里寬相逢初未省但認切雲冠

又

力量超終古光明破積昏獨行寧有待妙用本忘言神
定嬰兒戲丹靈豈子犇緒餘應不靳小出濟元元

貧中自戲

種枳為籬草結廬人間知足更誰如澗溪松老忘榮謝
天闊雲閒任卷舒門冷併無殘客跡家貧常讀絕編書
有金可取還關念多事從來笑漢疎

風雨夜坐

寒風淒緊雨空濛舍北新丹數葉楓歌枕舊遊來眼底

掩書餘味在胷中
松明對影談玄客
篠火圍爐采藥翁
君看龜堂新境界
固應難與俗人同

示村醫

玉函肘後了無功
每寓奇方嘯傲中
衫袖翫橙清鼻觀
枕囊貯菊愈頭風
新詩吟罷愁如洗
好景逢來病欲空
却羨龍鍾布裘客
埭西賣藥到村東

秋雨

一秋風雨蔽白日
積水鬼神愁
太陰寒螿悲鳴
草根溼

水鳥鳴哭菰叢淡殘年不覺日月逝病骨惟愁霜露侵
常有淖糜支旦暮一毫寧復少年心

雜興

散步持書卷閒眠枕藥囊馴麋隨几杖凝蝶入衣裳病
起年光速身閒日影長為憐紅樹好久立向西廂

又

客問維摩疾人哀范叔寒詩囊負童背藥笈挂驢鞍野
果攢着澀村醪揆齒酸老雞殊可念旦旦報平安

又

愛物停垂釣，劬身自荷鋤。
時從鄰父飲，日授稚孫書。
尚棄登山履，寧須下澤車。
平生雙不借，投老伴歸歟。

又

平生獨何幸，命若與人謀。
疲懦逃溪責，空疎得早休。
位卑輕得喪，迹遠少恩仇。
莫怪歸耕樂，文園久倦遊。

又

倒橐得千錢，從人買釣船。
秋風宿村步，暮雪醉江天。
得

意鷗波外忘歸雁浦邊平生笑嚴子猶有姓名傳

又

澤居憂下溼老病覺中乾違俗恐不免倚天聊自寬受
規如獲藥喜退甚彈冠不是憎勲業心知骨外寒

江亭

野市逢虛日江亭候算潮蟲號霜後草人立雨中橋病
骨羸將折殘魂黯欲消無心作村醉酒旆苦相招

晚歸

梅市橋邊弄夕霏
菱歌聲裏棹船歸
白鷗盡去還堪恨
亦為幽人暖釣磯

懷昔

奮迹窮閭本甚微
刺天何敢慕羣飛
業文僅與驢書券
學射纔因鼠發機
苦獲縱橫真脫命
風波瀕洞尚餘威
朝冠挂了方無事
却愛山僧百衲衣

初寒示鄰曲

村北村南數十家
陂池重複谷谿斜
荻叢缺處見漁火

蓬戶閉時聞紡車淺瀨水清雙立鷺橫林葉盡萬棲鴉
是中佳興無窮極懶著青鞵上若耶

夢中作

并序

甲子十月二日夜雞初鳴夢宴客大樓上山河
奇麗東南隅有古關尤壯酒半樂闋索筆賦詩
終篇而覺不遺一字遂錄之亦不復加竄定也

富貴誇人死即休每輕庸子覓封侯讀書歷見古人面
好義常先天下憂獨往何妨刀買犢大烹却要鼎函牛

坐皆豪傑真成快不負凌雲百尺樓

初寒

老遇初寒候貧當絕祿時衣裘俱在筭薪炭不愆期鶉
滿羣童網魚浮百石陂比隣每分餉捫腹可無飢

又

重簾禦晚吹密瓦護晨霜

小室今年冬初增瓦三百箇三面窗皆設紙簾

焰焰

甌爐火霏霏石鼎香行遲依木杖坐久穴藜牀晝亦無

聊甚胡為厭夜長

鉏菜

江湖霜雪薄終歲富嘉蔬菘非常相續萬蔓亦有餘家
貧缺梁肉身病忌鱉魚幸有荒畦在何妨日荷鋤

對酒

賦性雖耽酒其如老病身氣衰成小戶醅濁號賢人疏
廣矜君賜劉伶畏婦嗔蘭亭獨超絕千載擅清真

夜卧久不得寐復披衣起呼燈作草書數紙乃復
酣枕明旦作此詩記之

才下多阨窮地僻罕人客半生走四海竟無第一策算
年忽大悟惟有緊閉門朝作一池墨弄筆招羈魂初若
犇駮驥忽如掣蛟鯨鬼神森出沒雷雨更晦明飛揚興
已極投筆竟就牀酣酣一枕睡不覺幽夢長手攜避秦
人行上腰帶鞆下視河流黃仰看天宇清大呼自驚覺
夜半燈欲死茆簷雨點滴身乃在萬里挑燈影突兀顧
問汝是誰留侯雖強食輕舉亦何疑

孤雲

四十年來住此山入朝無補又東還倚闌莫怪多時立
為愛孤雲盡日閒

自閔

破帽羸駝厭垢氛挂冠歸伴故溪雲年光疾病占強半
日景睡眠居七分廬冢蕭條頻賈涕交朋零落久離羣
殘年豈復行孤學自閔猶尊昔所聞

贈雞

青銅三百買烏雞闢地牆東為擇棲更聘一雌全物性

莫辭風雨五更啼

子適為其長兄置酒予亦與焉作五字示之

烏衣兄弟集我亦據胡牀晚菊數枝在小園幽興長霜
清桑落熟湯嫩雨前香草草雖堪笑他年未易忘

太息

太息貧家似破船不容一夕得安眠春憂水潦秋防旱
左右枝梧且過年

又

禱廟祈神望歲穰今年中熟更堪傷百錢斗米無人要
貫朽何時發積藏

又

北陌東阡有故墟辛勤見汝昔營居豪吞暗食皆逃去
闕戶無人草滿廬

代鄰家子作

社日淋漓酒滿衣黃雞正嫩白鵝肥弟兄相顧無涯喜
扶得吾翁爛醉歸

山行

山光秀可餐，溪水清可啜。
白雲映空碧，突起若積雪。
我行溪山間，靈府為澄澈。
峻嶒崖角立，蟠屈路九折。
黃楊與冬青，鬱鬱自成列。
其根貫石罅，橫逸相糾結。
上捫鷓鴣巢，下歷狼虎穴。
流泉不可見，鏘然響環玦。
出山日已暮，林火遠明滅。
小憩得樵家，題詩記幽絕。

行過西山至柳姑廟晚歸

倚杖西山麓，褰衣古廟墟。
斷雲依釣浦，細雨壓炊煙。
廢

學慙詩退安貧覺氣全
霜天日未晚鐘鼓隔城傳

月夕幽居有感

五嶽名山采藥身
可憐騎馬踏京塵
浮名本是延災物
謝事寧非得道因
出寺每招雲結伴
巢松仍與鶴為鄰
劔南舊隱雖乖隔
依舊柴門月色新

寒夜將旦作

白髮垂肩無二毛
曾中消盡少年豪
河傾月沒夜將旦
木落草枯秋已高
窗下燈殘候蟲語
牆隅棲冷老雞號

曲肱不復更成寐起視寒空如斷鰲

舍北獨步

霜露霑衣迫歲徂天公欲為老人娛
斷雲新月供詩句
蒼檜丹楓列畫圖風葉蕭蕭歸獨鶴
煙波渺渺漾雙鳧
孤舟薄算誰從我惟是詩囊與酒壚

山村道中思蜀

當年萬里客西南藥市題詩倚半酣
偶為三遊羣玉府
遂妨重到百花潭剡溪謾說思安道
函谷誰能識老聃

空乞丹青作橫幅半堤寒日策羸驂

不如茅屋底

鑄印大如斗佩劍長拄頤不如茅屋底睡到日高時

又

南伐踰銅柱西征出玉關不如茅屋底高枕看青山

又

火齊堆盤起珊瑚列庫藏不如茅屋底父子事耕桑

又

列鼎賓筵盛籠坊從騎都不如茅屋底醉倒喚兒扶

菜羹

青菘綠韭古嘉蔬
蓴絲菰白名三吳
臺心短黃奉天厨
熊蹯駝峰美不如
老農手自闢幽圃
土如膏肪水如乳
供家賴此不外取
襜褕寧辭走煙雨
雞豚下箸不可常
况復妄想太官羊
地爐篝火煮菜香
舌端未享鼻先嘗
十月暄甚人多疾
十六日風雨作寒
氣候方少正

作短歌以記之

昔我從行臺宿師南山旁仲秋已戒寒九月常霽霜入
冬即大雪人馬有仆僵土牀熾薪炭旃毳如老羗果蔬
悉已冰熟視不得嘗獵騎荷戈歸爭獻狐與狼是時意
氣快豈復思江鄉邇來四十載餘景迫耄荒結茅鏡湖
曲氣候歲靡常殘暑排不去單衣作重陽霜晚木未丹
地燠草不黃玄冥失號令瘧鬼意頡頑忽然風雨惡縱
擊勢莫當頗疑地撼軸又恐河決防和泥補竅穴乞火
燎衣裳霰雪雖未作疾癘幸退藏風爐薺糝美瓦甌粳

飯香比隣共安健相與歌虞唐

冬夜題齋壁

髮不能勝二寸冠天教送老向江干倚牆筇杖伴人瘦
縞瓦清霜爭月寒壯志追思良可悔危途遍歷始知難
一身著了餘何事茅屋三間已太寬

自遣

蔬食任無魚山行可借驢指攣猶把釣眼澀未捐書客
少勝紛若家貧亦晏如時時顧影歎頑似十年初

蕩蕩

蕩蕩唐虞去日適孔林千載亦荒丘六經殘缺幸可攷
百氏縱橫誰復憂釋書恐非易論語王迹其在詩春秋
君臣父子未嘗泯吾道尚傳君但求

晨起


曉枕初興白髮翁敝裘百衲封爐紅獨居漫受書狐媚
滯思難矜筆陣雄舊學蟲魚箋爾雅晚知稼穡講幽風
一身自喜無餘事且度殘年風雪中

劔南詩橐卷五十九

謹案卷五十九第十三頁前一行細雨僧歸雲外
寺刊本雨訛徑據唐宋詩醇改

欽定四庫全書





總校官庶吉士臣張能照

校對官編修臣裴謙

謄錄監生臣金士虔

欽定四庫全書薈要

集部

劍南詩藁卷
六十一

詳校官助教臣謝登雋



欽定四庫全書薈要卷一萬五千五百五十

集部

劔南詩藁卷六十

宋 陸游 撰

述懷

籟簡承孤學窮閭負壯心方憂一齒落

時一齒方搖動

何止二

毛侵買地開幽圃招僧理廢琴浮生祇如此感慨不須

吟

甲子歲十月二十四日夜半夢遇故人於山水間

飲酒賦詩既覺僅能記一二乃追補之

拂衣金馬門稅駕石帆村喚起華山夢
招回湘水魂心親頻握手目擊欲忘言
最喜藤陰下脩然共一樽

又

小山緣曲澗路斷得藤陰忽遇平生友
重論一片心興闌棋局散意豁酒杯深
雞唱俄驚覺悽然淚滿襟

舟中夜賦

千里風塵季子裘五湖煙浪志和舟
燈殘復吐惱孤夢

雨落還收生旅愁
城上霜笳入霄漢
煙中漁火耿汀洲
牧之未極詩人趣
但謂能輕萬戶侯

舟中曉賦

木落霜清水鳥呼
扁舟夜泊古城隅
吹殘畫角鐘初動
低盡寒空斗欲無
浪迹已同鷗境界
遠遊方羨雁程途
高檣健席從今始
遍歷三湘與五湖

漁家

江上漁家水蘸扉
閒雲片片傍苔磯
釣收鷺下虛舟立

橋斷僧尋別徑歸海近岡巒多迤邐天寒霧雨正霏微
羊裘老作桐江叟點檢初心幸未違

遠遊

少年遊宦日骯髒恥沉浮見虎猶攘臂逢狐肯叩頭力
行雖自許早退豈人謀

予年六十餘
即退閒故山

小艇煙波上飄然

得遠遊

與兒孫小飲

歲暮寒多雨村溪早閉門荒園摘葵芥近市買雞豚短

褐聯三世幽窗共一樽
吾曹常得此餘事不須論

遂初

狂本類三閭歸仍慕二疏
何由滿人笑但可遂吾初
奕奕沙堤馬栖栖下澤車
細看俱外物俛首老犁鋤

與村鄰聚飲

冬日鄉閭集珍烹得徧嘗
蟹供牢九美

聞人懋德言麩賦中所謂牢九

今包魚煮膾殘香雞跖宜菰白豚肩雜韭黃
子是一歡君勿

惜豐歉歲何常

又

交好貧尤篤鄉情老更親
薰香紅糝熟肉美綠椒新
俗似山川古人如酒醴醇
一杯相屬罷吾亦愛吾鄰

夜坐示子虞

裘薄知霜重燈殘覺夜闌
為農宜廢學謝事等無官
踈嬾貧難醒沉綿死有端
大兒千里志聊復為加餐

行飯算歸

暫置觀書不耐閒
飄然梅塢竹籬間
霜風盡脫千林葉

雲氣平沉一面山，笑喚筇枝扶蹇步。
聊憑村酒借朱顏，廟堦牆下歸來晚。
宿鳥紛紛已漸還。

寒雨中夜坐

江村風雨晚冥冥，閉戶添衣愴客情。
爐爇松肪如蠟爨，鼎煎茶浪起灘聲。
團欒賴有兒同話，剝啄應無客可迎。
聊舉一杯生耳熱，頽然酣枕到窗明。

枕上

世間命薄有誰如，僵卧空山夢亦孤。
三尺窗前燈半死

萬重雲外雁相呼久貧僅守殘書笈未死猶須幾酒壺
趣辦一棺那得緩古人四十揣頭顱

即事

心與巖泉靜形如野鶴臞朝餐美藜藿夜讀講唐虞婢
老無釵澤僮寒闕袴襦所欣惟一事無吏督殘租

又

糝飯流匙滑葵羹出脯香有時留野客亦復餉鄰牆老
圃傳占法行僧遺藥方未為全絕物終勝利名場

雜感

買馬當可棄築室當可居快馬多覆敗傑屋鬼所狙徒
行與露坐安穩無後虞所以古達人秋風憶尊鱸

又

士生誦二典恍若生唐虞陞降奉玉帛可否聞吁俞闕
里得其傳功與造化俱孰知千載後乃尊重譯書

又

擁裘南窗下堅坐試定力爐香亦不散伴我到曠黑晚

交近為我遊世易顛踣默默何所為且復自休息

又

上硤聞竹枝入秦聞烏烏秦曲未及終涕淚淒已濡還
山風月夕菱歌起鏡湖雖無遠遊感白首亦窮途

又

吾聞之古方有病當鮮食如其不能爾金丹亦無益我
老更事多此語知造極子房從赤松千載推達識

又

夢育小兒女便有無窮愛
謁醫問疾恙對客誇警言
邁晨雞忽喚覺此愛復安
在人生困糾纏一笑脫囚械

閒中自嘲

鏡湖西畔有漁扉
竊比玄英似庶幾
風月定交殊耐久
煙波得意可忘歸
曾行萬里求微祿
亦伴諸公踐駭機
試問即今成底事
晨殮依舊北山薇

暇日坐山麓松石間作

偶曳枯筇出槿籬
松間盤石坐移時
飢麋齧草無餘綠

乳鵲營巢有墮枝幽事類分皆可譜高情辭達自成詩
莫嗟寂寂終吾世正是他年一段奇

得子虞臨安舟中書因寄

江水悠悠雙鯉魚眼明初坼入關書殘年已覺身如客
一念還成淚濺裾春近預憂歸夢短潮回莫遣寄聲疎
何時可棄微官縛五畝荒畦共荷鋤

書喜

寵辱原知不足驚退居兀兀餞餘生冰魚可釣羹材足

霜稻方登糴價平鄰媪已安諸子養

閔氏媪以貧甚棄諸子而去今始得

復歸

園丁初葺數椽成

韓氏得屋湖上種蔬為業

鄰閭喜事吾曹共

一醉寧辭洗破觥

又

十月東吳草未枯村村耕牧可成圖
歲收儉薄雖中熟民得蠲除已小蘓
家塾競延師教子里門罕見吏徵租
老昏不記唐年事試問元和有此無

老學菴夜興

冷卧空齋枕曲肱
飢鷹驚起髮鬅髻
煙霞華嶽逃名客
風雪廬山入定僧
榭葉蔽身勝衣帛
金丹照室不燃燈
秃翁自笑無名字
聊向江湖襲舊稱

取江湖散人之意

感昔

百丈庚寅上峽時
至今猶健豈前期
家人暗換吾何難

鏡裏衰翁復是誰

上峽骨肉在者四子爾今皆出仕

又

神女祠前猿夜鳴
相公溪上草初生
重遊惟有西窗夢

一點燈青夢不成

又

白帝城邊鶯亂啼
憶騎瘦馬踏春泥
老來感舊多悽愴
孤夢時時到灤西

又

小益晨裝雨作泥
南沮涉水馬長嘶
山腰細棧移新路
驛壁流塵閣舊題

又

曾從征西十萬師
白頭回顧只成悲
雲溪駱谷傳烽處
雪密嶓山校獵時

又

老君洞外小朱扉
雲壓寒空雪欲飛
結陣弓刀邊壘去
挂鞍狐兔獵場歸

又

少時失腳利名間
寸步何曾不險難
造物恐人渾忘却
夢中憂患尚如山

孤村

少年誤計落人間
晚卧孤村日掩關
小室易溫爐火省
幽窗常暗架書閒
梅橫籬落春初動
雲闌川原雪尚慳
欲喚一藤同勝踐
恨無傑句壓溪山

村舍書事

紙窗百衲地爐紅
圍坐牛醫卜肆翁
時節杯盤來往熟
朝晡鹽酪有無通
男丁共結春耕耦
婦女相呼夜績同
老子頽然最無事
客歸自策讀書功

小葺居室

野水楓林下殘年亦自存
刈茅支漏屋插棘補頽垣
把釣襟靈爽爭棋笑語喧
晚窗幽興極共酌黍醅渾

冬至

老遇陽生海上村
川雲漠漠雨昏昏
鄰家祭徹初分昨
賀客泥深不到門
萬卷縱橫忘歲月
百年行止付乾坤
明朝晴霽猶堪出
南陌東阡共一樽

夜坐示子通兼示元敏

微霰不成雪大風俄散雲孤燈翳還吐斷雁遠猶聞冉
冉新春動遙遙清夜分兒孫未須睡吾與汝論文

客懷

客懷病思兩悽悽瘦馬長鞞濺雪泥道左忽逢曾宿驛
壁間閒看舊留題村醅酸薄陳山果旅飯蕭條嚼凍齏
何處人間非夢境恍然重到劔關西

雜書幽居事

抱瓮窮園叟還山老布衣死邊常得活閑處偶容歸釣

恐魚吞餌棋憂客墮機此心君會否洗盡百年非

又

淡薄齊榮辱恢疎略怨恩爐常養丹母手自斲桐孫炎
火下照海黃河高沂源道翁來不速一笑倒吾樽

又

庭曠多延月齋空半貯雲松聲行路共泉脉近鄰分采
藥九蒸曬朝真三沐熏林間有叢杞繞屋夜狺狺

又

貧困雖終老，胸中尚浩然。直今頭搶地，未害鼻撩天。種菜慳三畝，苫茅僅數椽。布衾常不暖，夜夜亦安眠。

又

卜築南湖上，梅花幾度春。身緣作詩瘦，家為買山貧。野步維漁艇，江樓岸醉巾。誰知會稽叟，不媿葛天民。

題齋壁

門前枯葉滿，荒街堂下殘。蕪擁土階，蓬葦蕭條如旅店。豆蔬淡薄，學僧齋。晝存真火，溫枵腹。夜挽黃流，灌病骸。

喚取鄰翁同結社
它年仙去與君偕

探梅

歲月相尋豈有窮
早梅喚醒醉眠翁
坐中酒量人人別
花底春風處處同
白帝城邊微雪過
青衣江上夕陽紅
錦囊空復殘詩在
分付悲歡一夢中

新移竹栽喜於得雨而池中
瀉鵜乃以水溢而去
戲以長句記之

霧雨三日天沉陰
西溪水長二尺深
土濡新竹有生意

池滿文禽無住心竹根蘇活賴此雨禽亦歸飛戲煙浦
去留雖異各欣然抽萌哺子全其天

讀宛陵先生詩

李杜不復作梅公真壯哉豈惟凡骨換要是頂門開鍛
鍊無遺力淵源有自來平生解牛手餘刃獨恢恢

勉學

學力艱危見精誠夢寐知衆人雖莫察吾道豈容欺雷
雨含元氣著龜決大疑為儒能體此端不負先師

道室試筆

浮雲萬事不到眼
千歲人間心尚孩
屏風疊下看花落
扇子峽中聞雪來

又

兜羅緜雲常滿谷
勃落葉衣無四時
中原百戰血塗野
此老醉眠初不知

又

事來得失若山重
放下始知前日狂
一枝藜杖一壺酒

何處人間無醉鄉

又

吾家學道今四世世佩施真三住銘一窗蘿月照孤詠
萬壑松風吹半醒

又

死來尚戀遊金谷病廢猶難放柳枝等是胷中不浩浩
樂天莫笑季倫癡

又

明明行路有神仙世士求仙却不然貪冒苦多廉尚少
恐君未得盡天年

治心

治心無他法要使百念空秋毫作其間有若海颶風颶
風孰能止三日力自窮我徐躡其後杲杲日出東向來
一噫者畢竟誰為雄萬里靜海氛一望開天容會從安
期在高會蓬萊宮

夜夢遇老人於松石間若舊嘗從其遊者再拜叙

間闊老人亦酬接甚至云

遼海曾從化鶴丁百年塵土污巾瓶萬山深處遇行李
再拜起時如醉醒綠樹巖前開藥笈白驢背上指丹經
雲霄平步尋常事不用求方更解形

過鄰家

病去詩情動寒淡酒戒開兒孫扶每出鄰里喚還來雲
重時飛雪春遲未見梅山園多芋栗夜話且燔煨

村飲

舊隱青山在，衰顏白髮新。
推移忝前輩，踈嬾似高人。
擊鼓驅殤鬼，吹簫樂社神。
家家皆有酒，莫吐相君茵。

市飲

學道無多事，消陰服衆魔。
春雷驚蟄戶，海日浴鯨波。
大勇收全勝，靈襟襲太和。
何妨會稽市，取酒獨酣歌。

社飲

東作初占嗣，歲宜蠶官又。
近乞靈時傾，家釀酒無遺力。
倒社迎神盡，及期先醉後。
醒驚老僊路，長足蹇歎歸遲。

西村漸過新塘近宿鳥歸飛已滿枝

舟中作

一葉輕舟一破裘飄然江海送悠悠閒知睡味甜如蜜
老覺羈懷淡似秋失侶雲間孤雁下耐寒波面兩鳧浮
年逾八十真當去似為雲山尚小留

風雲晝晦夜遂大雪

大風從北來洶洶十萬軍草木盡偃仆道路暝不分山
澤氣上騰天受之為雲山雲如馬牛水雲如魚鼈朝閣

鬢白日算重壓厚坤高城炭欲動我屋何足掀兒怖牀
下伏婢恐堅閉門老翁兩耳聵無地著戚欣夜艾不知
雪但覺手足皸布衾冷似鐵燒糠作微溫豈不思一飲
流塵暗空樽已矣可奈何凍死向孤村

大雪

海天黯黯萬重雲欲到前村路不分烈風吹雪淡一丈
大布縫衫重七斤

雪夜

病卧湖邊五畝園，雪風一夜坼蘆藩。
燎爐新炭衣篝暖，圍坐兒孫笑語溫。
菜乞鄰家作菹美，酒賒近市帶醅渾。
平居自是無來客，明日衝泥誰叩門。

雪霽

米盡囊空莫問渠，天公自解養迂疎。
雪泥壅路斷來客，朝日滿窗宜讀書。
漸滿橫林聞語鳥，乍晴幽圃富嘉蔬。
東家小蹇那須借，早晚吾兒送鹿車。

子坦欲作一
小轎子來

雪後

雨解平簷雪風收際海雲根蘇萱出土冰斷水生紋遊
舫家家葺行歌巷巷聞太平原有象端為謝東君

夜寒與客燒乾柴取暖戲作

槁竹乾薪隔歲求正虞雪夜客相投如傾湫湫蒲萄酒
似擁重重貂鼠裘一睡策勲殊可喜千金論價恐難酬
他時鐵馬榆關外憶此猶當笑不休

排悶

殘雪融成雨寒燈結作花睡稀聽齧鼠坐久送棲鴉食

似開僧鉢居如寓店家餘年不須問即此是生涯

席上有舉呂居仁詩者因次其韻示坐客

是身如鼠穴太倉七十始辦求淡藏扶衰復拜求舊詔
入對講殿瞻顛昂期年蒙恩許謝病家居更辱鄉黨敬
今夕不醉無庸歸此老餘年君所知

予使江西時以詩投政府丐湖湘一麾會召還不
果偶讀舊橐有感

文字塵埃我自知向來諸老誤相期揮毫留得江山助

不到瀟湘豈有詩

柳橋

村路初晴雪作泥
經旬不到小橋西
出來頻覺春來早
柳染輕黃已蘸溪

鷗

海上輕鷗何處尋
煙波萬里信浮沉
今朝忽向船頭見
消盡平生得喪心

鷺

雪霽春回亦樂哉
棋軒正對小灘開
翩翩飛鷺真吾友
肯為幽人一再來

感物

日落烏將數子歸
風和雉挾兩雌飛
不如村舍安孤寂

父子飄然兩褐衣

予齋居已久又諸子皆出仕
獨與子適相對如出外人

甲子歲暮

世間巧拙亦何施
萬事難禁歲月移
遲死幾時天有意
要令自悟不須師

出遊至僧舍及逆旅戲贈絕句

山僧邂逅即情親
野叟留連語更真
淡淡論文端有味
一彈指頃百年身

又

飯炊適熟如延客
犬喜來迎似到家
雨滴茅簷草煙溼
不妨笑語暫諠譁

歲暮出遊

殘厯消磨無半紙
一年光景又成非
瓦溝雪水滴欲盡

江路梅花開尚稀
竹院篝燈留度宿
旗亭誇酒勸無歸
此身自笑知何似
萬里遼天一鶴飛

出遊所至皆欣然
相迎口占示之

寓館兼山澤
行裝半雨晴
隨宜分藥物
投老惜人情
邂逅成新識
慇懃講舊盟
農家尤可念
迎勞輟春耕

題旅舍壁

老子殘年未易量
出門隨處得徜徉
窗櫺日淡僧房暖
竈突煙青旅甌香
濁酒可求敲野店
舊題猶在拂頰牆

閒來又取丹經讀夜就松明解布囊

野人舍小飲

梅市波光遠柯橋柳色新百年情分熟數酌笑言親沙
上人爭渡街頭婦賣薪藪藪隔林鼓歲算賽江神

自近村歸

雪晴村路尚殘泥茅屋清寒正要低野渡船虛飛鳥集
煙村路近蹇驢嘶堅頑那復愁空橐老健猶能伴架犁
蹴榻不僵君會否更須百瓮享黃齋

夢華山

古松偃蹇谷谿衍太華峰前野老家久客未歸丹竈冷
碧桃八十一番花

歲暮與鄰曲飲酒用前輩獨酌韻

出會稽南門九里有聚落雖非衣冠區農圃可共酌野
實雜甘酸草具無厚薄小童能擊筑一笑相與樂徒手
出叢花空中出丸藥主禮雖可笑衆客亦起酢聊持掇
宿好未用嘲淡薄窮達則不同亦踐真率約予年過八

十故物但城郭

避御名
從省文

作詩寄清歡未媿華表鶴

山中飲酒

百屋堆金錢萬戶封公侯富貴人所羨熟計終繆悠有
酒君但飲有山君但遊雖云亦夢事要是勝一籌獨醉
新豐市遺魂招馬周清獻蘇門山曠度交公休爛爛目
如電凜凜氣愈邁騎鯨歸東海已矣吾何求

客亭

荻浦煙汀竝海涯一枝柔艣語伊啞久從野老非生客

慣偶僧廬勝在家
桑興村村俱有酒
逢春處處可尋花
朝來雪霽梅初動
又向郵亭閱歲華

除夜

野水楓林屋數椽
寒爐無火坐無氈
殘燈耿耿愁孤影
小雪霏霏送舊年
椒酒辟瘟傾瀲灩
藍袍俘鬼舞蹁躑
從今供養春齋美
莫羨愚公日萬錢

劔南詩彙卷六十